

Колхоз'ёсын кужмо трудовой дисциплина понна!

Колхоз'ёслэн общественной хозяйствозы юнман, сяська-яськон, азыланаз жутскэн понна, пёртэм сельскохозяйственной продукт'ёсты уно лыдын сётон понна Ленинлэн Сталинлэн партизы но советской правительство нуналмись сюлмасько. Со сталинской сюлмаськон улскын колхозной гуртлэн азымынсь атямиосыз стахановской амал'ёслэсь выль образец'ёссэс возьмаго, луд'ёсысь выль урожай басьтон понна нюр'ясько, паськытато артельной хозяйствозе, жадэнэз валатэк жуто ужазинлыкес, кылдыго ялан вылесь но вылесь резерв'ёсты.

Котьмар ласянь развитой артельной хозяйство уката но ужэз азынылко быдэс'я соку, кукке отысь вань колхозник'ёс активной участие куго, кукке соос честно ужало общественной производствон. Ваньмызлы тодмо, что азымынсь колхоз—со сыче хозяйствозе, кукке отын умой но радэз'я мынэ уж котькуд участокын.

Октон-калтонысен асьме районульсь ваньмыз сямен ик колхоз'ёсын массовой производственной жутскон луиз. Ужан нормаос умосн но ятырен быдэс'яськылзы. Колхозник'ёс пблың трудовой дисциплина юнмаз. Ваньмыз со шодскиз сельскохозяйственной уж'ёсын, соос туэ унояз колхоз'ёсын мимала арын сярысь организованногес орточо.

Жаляно луэ, асьмеос уно дыр'я бере кылись колхоз'ёсын пумиськылоно луиском, куд'ёсыз туж ляб быдэс'яло ас азыз пуктэм задачалы. Значит сыче колхоз чылкыт өвёл, сое бере кыско недобросовестно ужась атямиос — прогульщик'ёс, лодыр'ёс, разгильдяй'ёс.

„Бакино“ колхоз сярысь урод вераськон'ёс одигетизэ ар гинэ уг мыны ни. Со бере кыле уноениз сельскохозяйственной уж'ёсын. Озыл луэ али но, кутсаськон но государствоны нянь сётон вакытэ. Татын сое пёртэм муг'ёсын валэктны выро. Яке ужась кужым уг тырмы, яке мукет. Нош ваньмыз со вылын өвёл. Бере кылёнлэн основной мугеныз трудовой дисциплиналэн лязез луэ. Бастом берло примерез гинэ, 29 сентябре Галичев Иван кутсаськон машинаез дугдытса,—мон пбйшураны мынйсько,—шуыса, кутсаськонэз быдэс нуналлы куашкатыз.

Сыче пример'ёсты уно колхоз'ёсысь шедьтод. Титовской сельсоветысь „Красная заря“

колхозын самой зол ужаны быгатисьсыз 4—5 мурт ужаны уг потало. Татысь ик кэл хэзник Плехов ивэртэ: „Мыным тыршыны номир покна, пинал'ёсы трос өвёл“. Солэн кышноез, Титовской сельисполкомлэн депутатэз луыса, колхозлэн правлениезлы тодмо карытэк 5 нунал кустын, ассэ врачлы „возьматыны“, Воткинск городэ ветлй. Калининлэн нимыныз нимам колхозысь П. П. Вахрушев 75 трудоденьлы сяна өз ужа на. Вань колхозник'ёс сямен ик колхозэз большевистской, нош колхозник'ёсты зажиточной карон вылысь нюр'яськон интые, гуртаз вурисыкыса улэ.

Кудог колхоз'ёсысь председател'ёс лодыр'ёсын „йыр-куро“ улонлэсь палэнкыса, сюлворо, куро соосты коняке но ужаны. Лодыр'ёсты не законно авансировать карон нянен. „2я пятилетка“ колхозысь 25 арес'ем колхозница Стрелкова Любовь мылкыдыз луэм'я гинэ ужаны пога. Туннэ нуналозь 55 трудоденьлы гинэ ужаз, нош авансэн 51 пуд нянь бастыз ни.

„Путь Ильича“ колхозысь лжеколхозник'ёс Кислухин но Савинэв Демид колхозной ужлэсь котьку ик палэнкыны турткыса, лодырничать карыса уло, нош колхозлэн правлениез соосты нянен авансировать карыса улэ.

„Кочурово“ колхозысь егит кышномурт М. С. Шулепова,—мынам картэ колхозын ужа, нош монэ ой ке но ужа колхозысь уз куштэ,—шуыса колхозной уже случайысь случае гинэ ветлэ. „Козино“ колхозысь Малых Вера 95 трудоденьлы ужаса, колхозной производствозе уг пота ни.

Колхозысь разгильдяй'ёсты, лодыр'ёсты, прогульщик'ёсты чурит ответ улэ кысконо, уг луы чиданы но кулэ өвёл ни али соосты защищать карыса улыны, так как со адямиос честной колхозник'ёслы ужаны люкето, куашкато артельной ужез. Асьмеос чиданы кулэ өвёл соослы, уката но али, кукке социалистической завод'ёсын, фабрикаосын нэ учреждениосын летун'ёсын но прогульщик'ёсын решительной нюр'яськон мынэ. Колхоз'ёслэн общественной хозяйствозылы вредить карысь лодыр'ёсты но прогульщик'ёсты сельхозартельлэн уставез'я строгой ответственность улэ кысконо. Тырмоз соосты сюлворыны!

Н. К. Семакин.

ВКП(б) лэн Шарканской райкомезлэн секретарез.



ЛАТВИЙСКОЙ ССР-ЫН

„Одиг ю тысь но октытэк кельтэмын луыны кулэ өвёл“ — сыче лозунген Латвийской ССР-лэн город'ёсысьтыз рабочий'ёс мыно гурт'ёсы, чтобы уржаез октон-калтон дыр'я юртэт сётыны со крестьян'ёслы, куд'ёсыз ужась кужым октымтээн октон-калтонэз дыраз быдэстыны уг быгато.

Снимокын: Рабочий'ёс тысё юосты кутсаны юртто.

Государстволы нянь сётонэз чик жегатскытэк быдэстоно

Октон-калтонын но сельскохозяйственной продукт'ёсты дасянын кылем арын луылэм янгыш'ёсты быдтон вылысь ВКП(б) ЦК-лэн но СССР-лэн Совнаркомезлэн поттэм постановленизы сётэ кужмо оружие сельисполком'ёслэн но колхоз'ёслэн кивалтись'ёсылы колхоз'ёсты большевистскоесь но колхозник'ёсты зажиточноесь карон понна нюр'яськонын.

Со постановлениез улонэ пыртэн вылысь ужась сельсовет'ёс но колхоз'ёс синмаськымэн результат'ёс бастыны быгатызы ни. Районысьтымы Сурсовойской, Петуневской, Быговской но Казеской сельсовет'ёсысь уноез колхоз'ёс государствоны нянь сётон планзэс 100 процентлы быдэстизы ни. Та сельсовет'ёсысь кылем'ёсыз но колхоз'ёс та нунал'ёсы государствоны нянь сётон планзэс йылпум'ялозы ни.

Районысьтымы ваньмызлэн колхоз'ёслэн государствоны нянь сётон планзэс вакчи дырын быдэстыны котькыче условносы вал. Нош со условносы использовать карон понна нюр'яськымтэенызы туннэ нуналозь „Бакино“ колхоз государствоны нянь сётон планзэ 74,5 процентлы, „Рас-

свет“—53 процентлы, „Трудовик“—66 процентлы, „Сосновка“—37,6 процентлы сяна өз блдэстэ на.

Сосновской сельсоветын государствоны нянь сётон план 65,9 процентлы но Шарканской сельсоветын 73,2 процентлы сяна быдэстэмын өвёл на.

Кыквинской сельисполкомлэн кивалтись'ёсыз государствоны нянь сётонэн озы ик кулэез'я уг кивалто. Нош Титовской сельсоветлэн азыло председателез Долганова, юрттысь витыса улэменыз, государствоны нянь сётонэн өз кивалты, сое асерказэ лэазиз.

Районамы озы ик уш'ямон уг мыны государствоны картофка, клевер кидис но етин кидыс сётон'ёс. Уноез та уж котыре чик өз кутскылэ на.

Вань луонлык'ёсты, резерв'ёсты уже кутыса, социалистической ужан амал'ёсты—соревнованиез но стахановской движениез вёлмытыса государствоны вань тырон'ёсты вакчи дырын быдэстоно но Удмуртилэн автономиезлэсь 20 ар тырмонзэ достойно пумитано.

М. Семенищев.

Государстволы нянь сётон быдэстэмын

Ленинлэн нимыныз нимам быдэстиз. Вочыз 1324,4 центнер ю-тысь государствоны сётонэз, ссуда берыктонзэ, натуроплатаэ 100 процентлы

А. Чирков

Заемлы взнос октон'я но азинлыко инты понна нюр'яськоно

Ваньмызлы тодмо, что Куиньметй Пятилеткалэсь (куинетй арезлэсь) заемзэ вблдон асьме районн азинлыко ортчиз. Куинь нунал куспн 1940 арлы ассигновать карем бюджет'я заем 130 процентлы вблдемын вал. Со—синмаськымон вормон!

Нош заемлы взнос октонэз организовать карон котыре уноез кивалтонын ужасьёс кулэз'я өз кутске. Кыква сельсоветысь Сталинлэн нимыныз нима колхозлэн заемлы гожкемез 1535 манетлы, „Красная заря“ колхозлэн—2845 манетлы луыса, туннэ нуналэсь одйг копейка но взносэ өз тыре на. Талэсь умой ик уж пунктэмын өвбл та сельсоветысь мукет'ёс аз но колхоз'ёсын. „1-й май“—3583 манет, „Водораздел“—2633 манет заем'я задолженность иметь каро.

Налоговой агент Корепанов но сельисполкомлэн председателез Анисимов заем'я уполномоченнойёслэсь ужзэс өз эскерылэ. Заемлы взнос октонэз палэнэ, асэрказэ куштэменызы сельсоветсэс районн самой берло радэ вуттизы.

Озы ик заемлы взнос октонэз бере кыско Титовской сельсоветысь но куд-ог колхоз'ёс. „Бакино“ колхозлэн задолженностез 3000 манет, „Козинолэн“—4210 манет но „Путь Ильича“ колхозлэн—5084 манет лыдысько на.

Та сельсоветысь налоговой агент Ефремов сельисполкомлэн заемлы взнос октон ужын участвовать карымтэз вылэ жожтыське. „Козино“ колхозлэн председателез Максимов „милям ужмы со өвбл“ шуыса заемлы взнос октон понна массовой уж нуонлэсь палдуртскиз.

Заемлы взнос октонэз озы ик жегатыса уло Кыквинской но Сосновской сельпоос, «Металлист» артель, райздрав но раймаг. Поткин.

Кутсаськонлэн но нын улэ гыронлэн мынэмзы сярэсь райзолэн своднаез

(2 октябровь процентэп вераса).

Сельсовет'ёслэн ним'ёссы	Кутсаськон	Кын улэ гырон
Шаркан	72	35
Титово	61	27
Кивар	67	25
Кыква	67	25
Сюрсовой	67	40
Мувыр	83	31
Сурон	67	40
Сосновка	81	28
Петунька	81	34
Блги	72	36
Казесс	71	29
Собино	67	25
Вортчино	71	29
Билиб	61	24

Малы Шарканской сельсовет бере кыле

Шарканской сельсоветысь колхоз'ёслы кутсаськонэз 1 октябровь йылпум'яны котыкыче луонлык'ёс вал. Нош со луонлык'ёсты уже кутыны быгатымтэен кутсаськон бырымтэ.

Кутсаськонлэн кыстыськемезлэн основной мугеныз луэ колхоз'ёслэн председател'ёссылэн но кыче ответственностэтэк ужаменызы. „Рассвет“ колхозлэн председателез Мокин кутсаськон'я нуваллы быдэ задание бригадир'ёслы уг сёт'ялля. Бригадир'ёс пблын кутсаськонэз вазь быдэстон понна нюр'яськоно уг шбдйськы, нош кудогез кутаськонлы мечак люкетыса уло. 4-тй бригадалэн бригадирез Николаев Николай Никлаевич кутсаськонлэн значениез сярэсь колхозник'ёс пблын но кыче валэктон уж уг нуы. Валэктон ужез юнэн воштит. Дымов но Пиминов бригадир'ёс кутсаськонн ужась колхозник'ёслы кин коня ужало, сое но уг вералляло.

Колхозын трудовой дисциплина но кытчы ярантэм урод. Колхозлэн правлениез дисциплинаез куашкатисьёсын но кыче нюр'яськоно уг нуы, колхозын соос шунит но лякыт уло. Мокин Константин но Пальянов Леонид государственстволы нянь нуыса, нокилэсь

юатэк, няньзэс Мишкинэ кельтиллям. 30 сентябре Афанасьева Клавдия но Васюков Анатолий культу ворттыны ыстэмын вал. Кбня ке гинэ ужаса, нокилэсь юатэк, культу ворттонысь кошкызы. Тетерин дас мешок ыштит, нсш материальной ответственность улэ кыскемын өвбл.

Кутсаськонэз куашкатон вылысь Салтыков Миня но Салтыков Николай кутсаськон сараез гуртазы нуллызы. Колхозлэн правлениез сьче уж'ёсты тодыса но но кыче ужрад'ёс уг куты.

Портэм ик уг ужа „2-я пятилетка“ колхоз но. Кутсаськонэз 60 процентлы сяна быдэстэмын өвбл. Татысь бригадир Хардинов кутсаськонэз вакчи дырын быдэстон понна нюр'яськоно интые, 29—30 сентябре вузкарьско шуыса Шарканын улйз.

„Электро“ колхозысь кутсаськонн ответственной луысь Вахрушев (колхозлэн счетоводэз),— сортировать карыны вуымтэен кутсам юез но кытчы тырыны,—шуыса кутсаськонэз жегатыса улэ.

Валаны кулэ, что шулдырен кутсаськонэз быдэстон понна өз ке нюр'яське, али уй но нунал, котыкыче куазь дыр'я кутсаськонэз нуоно.

Массовой ужез вискарытэк нуоно

Вакчи дыр куспн гинэ асьме странами потэмын партилэн но правительстволэн важнейшой решениосыз: СССР-лэн Верховной Советэзлэн Президиумезлэн „8 час'ем ужал нуналэ, 7 нунал'ем ужал арняе выжон сярэсь но предприятиеосысь рабочийёслэсь но служащыйёслэсь асыяменызы кошконэз дугдытон сярэсь“ но „Производственно „чырыпыры“ лущкаськон'ёс понна но худиганство понна ответственность сярэсь“ Указ'ёсыз, ВКП(б) ЦК-лэн но СССР-лэн Совнаркомезлэн „Октомбальтон но сельскохозяйственной продукт'ёсты даян сярэсь постановленызы.

Та дыр куспн ик международной положенин дуэмын портэм воштыськов'ёс.

Ваньмыз таос кулэ каро трудящыйёс пблын паськыт массовой уж нуэмез. Кытын ке хозяйственно-политической ужрад'ёсты нуо выли верам решениосыз паськыт валэж'ян улескып, отын басыямын ни синмаськымон результат'ёс.

„Выль улон“ колхозлэн председателез Иванов но агитатор'ёс партилэсь но правительствозэс решениосэс колхозник'ёс но колхозницаос

пблын вискарытэк валэж'язы. Соин ик татын кутсаськон но дыраз—25 сентябре быдэстэмын. Кутсаськонн ужасьёс нормаосэс умоны ятырен быдэж'язы. Колхоз мукет хозяйственно-политической ужрад'ёсты но быдэстиз ни.

Озы ик массовой валэктон ужез умой пунктиз „Гидрошур“ колхозысь Шляев эш. Татын кутсаськон но мукет'ёсыз уж'ёс йылпум'ямын.

Однако данакэз агитатор'ёс асыялэсь ужзэс туж ляб быдэж'яло на. Шарканской МТС-ысь И. Д. Наговицын массовой ужез тракторист'ёс, комбайнер'ёс но мукет'ёсыз ужасьёс пблын пунктны быгатымтэныз 28 ужасьёсыз судить каремын.

„Ивановка“ колхозысь агитатор Чазов, «Искра» колхозысь агитколлективлэн кивалтисез Шаплеин колхоз'ёсын массовой валэктон ужез сантэласа уло. Соин сарэн та колхоз'ёсын кутсаськон туж бере кылемын.

Та дыре вискарытэк массовой валэктон ужез нуыса Удмуртилэн автономиезлы 20 ар тырмон азелы но Октябрьской социалистической революциялэн гедовщинаез азелы вань сельскохозяйственной уж'ёсты быдэстэса лытэно.

П. И. Иванов.

„Ужаны“, пе, кулэ“

«Свобода» колхозысь Меньшикова Лукерия IV классын дышетскись пизэ „ужась кулэ“ шуыса дышетскыны ветлэмысь дугдытит. Сое дышетыны кыскон вылысь нуэм валэж-

тон'ёс но кыче результат'ёс өз сётэ. Нсш сельисполкомлы тодмоке но, солэн председателез Леконцев ужрад'ёс кутонлэсь палэнскиз.

Пудозэс колхозлы вузанлэсь пыкисько

Асьме странаысь вань трудящыйёс пблын ик советской интеллигенция тырше калыклэн шулдыр но шудо улонэз понна, колхоз'ёсты большевистскоесь но колхозник'ёсты зажиточноесь карон понна.

Нош вань сьчезсыз но адымиос, куд'ёсыз советской интеллигентлэсь нимзэ копак сантэмало. Басьтом ронолэсь бухгалтерзэ—Кузнецов Захарез. Кузнецов эш колхоз'ёсын пудо вортонэз паськытагон понна нырысь ик нюр'яськоно нуны кулэ вал. Нош со та ужрад'ёслы мечак пумит кариськыса улэ. „1-й май“ колхозысь семьяосызлэн хозяйствоязы главаен лыд'яськыса, Кузнецов З. аслэстыз пудозэ колхозлы вузанлэсь мечак пыкиське. Нош солэн хозяйствояз 6 парсез, кык скал выжыез но ыж'ёсыз вань.

Озы ик колхозлы пудозэ вузанлы пумит кариськыса улэ госбанкын ужась Корепанов но. Корепановлэн 10 ыжез, кык скалэз но кык парсез вань. Шарканской МТС-ысь ужась Кузнецов Егор но 3 парсез, 4 ыжез но скал'ёсыз луыса колхозлы пудозэ вузанлэсь пыкиське.

Ваньзы та выли верам мурт'ёс „1-й май“ колхозысь луо. Со колхозлэн луд вылаз ик пудооссэс но судо, нош быдэн одйг ке но яке ыж, яке тарсь колхозлы вузаны жалэ потэ.

И. И. Никитин.

СУД

Нянь лущкаськыс

24 сентябре Наговицынлэн нимыныз нима колхозысь бригадир Меньшиков, кладовщик Поскин но рядовой колхозник Никитин колхозной сезыез Воткинск городэ вузаны нуиллям. 25 сентябре сое 225 манетэн вузаса быдэн 75 манет луюкиллям. Та куинь мурт лущкаськысьёс следственной органэн шараямын но судэ сётэмын вал. 28 сентябре Шарканысь калык судлэн выездной сессиез лущкаськысьёслы улон интыязы показательной суд ортчытит. Бригадир Меньшиков но кладовщик Поскин быдэн кык арлы свободалэсь лишить каремын. Никитин улон интыяз одйг арлы тупатскон ужын ужаны каремын.

Врид редактора П. Иванов.
Поттысь РАЙСОВЕТ.

Шарканской райсберкассалэн сотрудник'ёсыз мур жоже усыса иворто райсберкассалэн заведующеезлэн

Леонид Дмитриевич ЛЕКОНЦЕВЛЭН

1 октябре преждевременнэ кулэмез сярэсь но семьяезлы жаланзэс верало.